

Član II

Ovo Rješenje stupa na snagu danom donošenja.

Broj 03-02-06-17031/17
14. augusta 2017. godine
Sarajevo

Ministar
Mario Nenadić, s. r.

Ministarstvo za rad, socijalnu politiku, raseljena lica i izbjeglice

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 5. Uredbe o radnom vremenu u kantonalnim organima ("Službene novine Kantona Sarajevo", br. 7/99, 4/02, 10/02 i 19/02 - Ispravka), ministrica za rad, socijalnu politiku, raseljena lica i izbjeglice Kantona Sarajevo donosi

INSTRUKCIJU

O PRIJEMU STRANAKA U MINISTARSTVU ZA RAD, SOCIJALNU POLITIKU, RASELJENA LICA I IZBJEGLICE KANTONA SARAJEVO

Član 1.

(Predmet)

Radi osiguranja neometanog procesa rada, pospješenja profesionalnih odnosa, radne atmosfere i zaštite standarda ponašanja zaposlenih u Ministarstvu za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo), ovom instrukcijom daje se uputa o danu, vremenu i načinu prijema stranaka u Ministarstvu.

Član 2.

(Definicije)

Pod pojmom službenika, u smislu ove instrukcije, podrazumijevaju se državni službenici i namještenici Ministarstva.

Član 3.

(Gramatička terminologija)

Gramatička terminologija korištenja muškog i ženskog roda za pojmove u ovoj instrukciji uključuje oba roda.

Član 4.

(Prijem stranaka)

- (1) Prijem stranaka u Ministarstvu vrši se utorkom i četvrtkom u vremenskom periodu od 10.00 do 14.00 sati.
- (2) U skladu sa stavom (1) ovog člana, službenik Ministarstva, dužan je primiti stranku koja je prethodno propisno evidentirana na recepciji - portirnici i kojoj je izdata propusnica.

Član 5.

(Izuzeci)

- (1) Izuzetno, ukoliko se stranka odaziva pozivu Ministarstva, prijem stranke vršit će se u dane i u vrijeme iz poziva.
- (2) Građani koji u dane i vrijeme kad se ne primaju stranke, žele da budu primljeni kod službenika Ministarstva, namještenik na recepciji - portirnici dužan je pozvati telefonom to lice i tražiti odobrenje za prijem građana.

Član 6.

(Prijem građana kod rukovodioca kantonalnog organa ili sekretara)

- (1) Građani koji zahtijevaju prijem kod ministrice ili sekretara Ministarstva, dužni su se prethodno najaviti telefonom kod tehničkog sekretara i ukratko iznijeti razlog obraćanja.
- (2) O prijemu građana, odlučuje ministrica ili sekretar, u zavisnosti kod koga se prijem vrši.

Član 7.

(Dozvola za ulaz stranaka)

Stručna služba za zajedničke poslove Vlade Kantona Sarajevo, odnosno namještenici na recepciji - portirnici mogu dozvoliti ulaz stranaka kod službenika u Ministarstvu samo u dane i u vrijeme određeno ovom instrukcijom i na osnovu propusnice.

Član 8.

(Obavještenja)

Obavještenje o prijemu stranaka, mora biti istaknuto na vratima prostorije u kojoj službenik Ministarstva prima stranke.

Član 9.

(Etika)

- (1) U ophođenju sa strankama službenik Ministarstva je dužan da postupa profesionalno, ljubazno i pristojno, poštuje ličnost i dostojanstvo stranke, pokaže zainteresiranost i strpljenje posebno sa neukom strankom, blagovremeno i tačno daje podatke i informacije o nadležnim organima za postupanje po zahtjevima, kao i o pravnim sredstvima za zaštitu prava i interesa.
- (2) Službenik Ministarstva se rukovodi načelom jednakosti, jednako postupa prema svim građanima, bez diskriminacije ili povlašćivanja na osnovi dobi, nacionalnosti, etničke pripadnosti ili porijekla, socijalne pripadnosti ili porijekla, jezičkog i rasnog porijekla, političkih, vjerskih ili drugih uvjerenja ili skolonosti, invalidnosti odnosno hendikepiranosti, obrazovanja, spola, bračnog ili porodičnog statusa, spolne orijentacije, imovinskog stanja, entitetskog državljanstva ili drugog statusa.
- (3) Službenik Ministarstva postupa s posebnom pažnjom prema osobama s invaliditetom i drugim osobama s posebnim potrebama.

Član 10.

(Povrede službene dužnosti)

Nepoštivanje ove instrukcije od strane državnih službenika i namještenika Ministarstva, povlači disciplinsku odgovornost u skladu sa zakonima kojima se regulišu radnopravni statusi državnih službenika i namještenika.

Član 11.

(Stupanje na snagu)

Ova instrukcija stupa na snagu narednog dana od dana objavljivanja u "Službenim novinama Kantona Sarajevo".

Broj 13-04/2-02-22957/17

04. septembra 2017. godine
Sarajevo

Ministrica
Amela Dautbegović, s. r.

Ministarstvo finansija

Na osnovu člana 17. stav (1) Zakona o izvršavanju Budžeta Kantona Sarajevo za 2017. godinu ("Službene novine Kantona Sarajevo", broj 53/16) po zahtjevu Srednje muzičke škole, Ministar finansija donosi slijedeću

ODLUKU

O PRERASPODJELI SREDSTAVA U BUDŽETU KANTONA SARAJEVO ZA 2017. GODINU ZA BUDŽETSKOG KORISNIKA SREDNJA MUZIČKA ŠKOLA

1. Odobrava se preraspodjela sredstava u Budžetu Kantona Sarajevo za 2017. godinu u iznosu 1.370,00 KM u razdjelu 21030010 Srednja muzička škola i to: